

**Presentacion obra literario/historico na Biblioteca Nacional Aruba**  
***Niemand wandelt ongestraft onder palmen.***

Diahuebs, 21 di januari 2016, di 7.00 pa 10.00 di anochi lo tin na Biblioteca Nacional Aruba, George Madurostraat presentacion di e obra literario/historico '*Niemand wandelt ongestraft onder palmen*', skirbi pa Millicent (Dudi) Smeets-Muskus. E subtitulo '*Opkomst en verval van het struisvogelpark 'Albertina' op de Curaçaose plantage Choloma (1912-1931)*' ta haci referencia na e florecemento y decadencia di e parke di avestruz 'Albertina' na e plantashi Choloma na Corsou di 1912 pa 1931.

Como orador lo fungi dr. Wim Rutgers y sra. Millicent (Dudi) Smeets-Muskus.

Lo tin charla, documentario y musica. E parti musical lo ta na encargo di Vivian Lampe, Livio Hermans, Johnny Scharbaay y Etty Toppenberg. Co-organizado y persona di contacto ta Mirtó Lacle (tel 7402044).

Pueblo en general ta bon-bini. Entrada ta gratis.

E autor Millicent mes lo trata e 'Bida y sufrimento di e benefactornan den tempo colonial na Corsou.'

Mas o menos na 1999 sra. Millicent Smeets-Muskus ta haya algun carta den e archivonan di Fortkerk y Verenigde Protestantse Gemeente (VPG) na Corsou. E cartanan ta contene informacion cu bale la pena investiga. Pa su gran asombro y alegria, señora Millicent ta testigo di un documentario hulandes na television produci pa señora Anna Abrahams na 1998. E documentario cu ta hiba e titulo "Tropengraf, een West-indische overlevering", ta trata di un caso masha tristo mes di fayecimento di un hoben hulandes, Wim Lensvelt di apenas 25 aña. Wim Lensvelt ta dera den santana protestant na Berg Altena desde aña 1913.

Millicent Smeets-Muskus a busca contacto cu Anna Abrahams na Hulanda y tambe cu descendientenan di famia Lodewijk Lens y su señora Ida Lens-Bernhard, Dr. Leo Lens y Wim Lensvelt.

E morto misterioso di Wim Lensvelt na plantashi Choloma no a keda resolvi.

E descendientenan di e cuater personanan principal involvi directamente cu e parke di avestruz Albertina a duna sra. Millicent cooperacion total pa e por a haci investigacion y realiza un obra historico relaciona cu e nacemento, desaroyo, cristalisacion y al final, decadencia di e parke di avestruz 'Albertina' na e plantashi Choloma, Corsou.

Pa medio di documento, memoria y entrevista sra. Millicent a trata di crea un imagen y portreta e cuater personahenan principal di e obra historico aki. Cuater persona cu un curashi y dedicacion increibel.

Tambe sra. Millicent ta haci referencia na e migrantenan di Lituonia pa Oudtshoorn (Sur Africa), cu a hiba e industria di plumanan di avestruz na un florecemento exitoso. E descendientenan di e migrantenan aki ta biba na Oudtshoorn, Sur-Africa te cu dia di awe.

E obra historico *Niemand wandelt ongestraft onder palmen* no ta solamente un obra encunto un historia importante di un famia hulandes-aleman, sino tambe e ta contene un imagen di un epoca di e isla Corsou na comienso di Siglo XX cu su contrastenan social-economico y alabes e moda di pensa, e mentalidad pa dicho tempo. Segun sra. Millicent un mentalidad cu den temponan aya tabata considera 'normal', pero cu awendia nos ta distancia nos mes di dicho forma di pensa.



## Programa Presentacion *Niemand wandelt ongestraft onder palmen*

Fecha: diahuebs, 21 di januari 2016

Luga: Biblioteca Nacional Aruba, George Madurostraat, Oranjestad

Ora: 7:00-10:00 p.m.

---

|           |                                                                                                                                                                                                                                             |                        |
|-----------|---------------------------------------------------------------------------------------------------------------------------------------------------------------------------------------------------------------------------------------------|------------------------|
| 6.45-7.00 | Antesala Benta di buki<br>Invitacion riba pantaya                                                                                                                                                                                           | slide/USB-stick        |
| 7.00      | Mirto Lacle ta yama Bon-bini                                                                                                                                                                                                                |                        |
| 7.00-7.15 | <b>Brindis/hapje</b><br>(No ta parti nada durante charla/presentacion)                                                                                                                                                                      |                        |
| 7.15      | Presentacion <b>música piano Vivian Lampe</b>                                                                                                                                                                                               | piano/microfon         |
| 7.25      | Introduccion Mirto Lacle                                                                                                                                                                                                                    | headphone              |
| 7.35      | Presentacion <b>Wim Rutgers</b>                                                                                                                                                                                                             | microfon               |
| 8.05      | Presentacion música <b>piano Livio Hermans</b>                                                                                                                                                                                              | piano/microfon         |
| 8.15      | Documentario <b>"The Ostrich Era"</b>                                                                                                                                                                                                       | DVD                    |
| 8.45      | Presentacion <b>música piano Johnny Scharbaay</b>                                                                                                                                                                                           | piano/microfon         |
| 8.55      | Presentacion obra histórico:<br><b>autor Millicent Smeets-Muskus</b><br><b>'Niemand wandelt ongestraft onder palmen'</b><br>Opkomst en verval van het struisvogelpark 'Albertina'<br>op de Curacaoose plantage Choloma (1912-1931)<br>Q & A | powerpoint<br>microfon |
| 9.30      | Presentacion <b>música Etty Toppenberg</b>                                                                                                                                                                                                  | microfon               |
| 9.45      | Documentario:<br><b>'Tropengraf, een West-Indische overlevering'</b>                                                                                                                                                                        | DVD                    |
| 10.15     | Clausura Brindis/hapje                                                                                                                                                                                                                      |                        |

---